

佚存叢書

增  
#63  
22



門 4  
563  
23

崔舍人玉堂類藁卷第十一

青詞表疏

建康府開啟天申聖節道場青詞

恩厚慈尊已極四方之養慶逢誕節爰祈萬壽之休

涓以令辰卽茲勝地啟瓊科於祕洞肅飈御於嘉壇

祇達精衷丕延景福

蒲散朱表

慈闈紀慶適臨朱夏之辰仙洞延真恭徹紫虛之鑒

祇循祕典迄就冲儀具殫欽翼之誠茂介壽康之祉

太上皇帝丁亥本命青詞



新念圖書  
本村祭市君  
贈此書以為  
其先考紀念  
維時明治三  
十九年九月  
朝書圖書印

玉堂類書  
慶承慈養方形孝治之風序屆朱明適協命元之紀  
具嚴祕館祇祓清壇按三洞之真科下九天之僊御  
庶回冲鑒永錫純禧

蒲散朱表

奉真僊館既備罄於丹誠集祐親闈當永依於慈覆  
錫茲介福延及羣生

太一宮 太上皇帝丁亥本命青詞

慶集慈闈方極敷天之養氣回素籥適臨元命之辰  
釋妙本於靈函啟真科於祕洞具嚴冲式茂介純禧  
益增方至之休永苾重明之運

蒲散朱表

慈極居尊屬推辰於命紀殊宮按式茲訖事於仙儀  
仰祈保佑之休滋錫厯洪之福

太一宮 壽聖明慈太上皇后生辰青詞

宸闈致養方祇事於母儀寶曆標祥適載臨於誕節  
祓除祕館宣演真筌恭憑清淨之緣仰助壽康之福  
後天難老應地無疆

蒲散朱表

敷科真館祇勤頌禱之誠介壽慈闈具徹高明之鑒  
仍回丕祐普及函生

萬壽觀開啟會聖節道場青詞

冬律道寒適協既盈之月皇圖衍慶爰當載夙之辰  
卽靈宇之深巖闢嘉壇之虛靜繹宣祕典延降高真  
仰祈眷顧之休俯錫厯鴻之福

蒲散朱表

節臨初度具殫微福之誠教演殊宮茲畢延真之會  
永孚善應宏覆昌圖

太一宮開啟會慶節靈寶道場青詞

發祥初度莫酬慈德之勞薦信上圓具繹沖科之蘊  
竚神光於煥幄肅飈馭於瑤壇孚格靈觀道迎景福

竝受四方之養永膺萬壽之符

蒲散朱表

慶源流衍紀甲觀之初辰仙宇邃嚴畢丹臺之法會  
更資介福普及寰區

建康府開啟會慶聖節道場青詞

陽月就盈適臨初度殊廷欵聖具輯沖儀啟雲笈之  
靈篇旅霞餐之淨供道迎清御降集純休永膺難老  
之期誕保無疆之業上偕親壽下底民生

蒲散朱表

沖科具舉熙事迄成荷靈鑒之降觀企真旂之旋邁

益蕃盛福丕乂烝民

建康府會慶聖節道場青詞

祇荷慈謀紹膺丕統適協旣盈之月甫臨載誕之辰  
恭卽仙區預嚴祕宇集茲科式燕格高靈期以精誠  
道迎景福庶延休於菲德更均佑於函生

蒲散朱表

震夙之辰適當良月神仙之宅是有殊宮嘗祇祓於  
齋衷俾具陳於法會肅延眞馭昭格靈觀仰祈介壽  
於雙親俯冀降康於萬國默依道蔭永御邦圖

萬壽觀 太上皇帝丁亥本命青詞

慈極承顏備敷天之大養清臺驗曆著元命之初辰  
爰卽仙區具循沖式範玉京之芳獻演藥笈之眞筌  
鋪薦丹誠道迎景福

蒲散朱表

日環命紀方介壽於慈親事訖仙儀已殫誠於大道  
仰祈冲鑒永錫繁禧

萬壽觀 太上皇帝本命青詞

祇奉慈顏躬修孝養屬按清臺之曆適當元命之辰  
爰被仙區俾遵道式肅瑤壇而集供啟瓊笈以繙文  
仰冀衆眞永綏多福

蒲散朱表

迎休慈極敷式仙宮已熙事之備成維丹誠之昭達  
更回丕貺均逮羣生

萬壽觀安奉丁亥丁未本命相屬星官位牌青

詞

地嚴祕宇館寓真旂向以加修嘗慮工徒之瀆今茲  
告備復祈威像之臨爰卽仙區具循冲典冀竝膺於  
休福仍均祐於函生

蒲散朱表

仙館載新方妥甯於歙御真科具舉已敷達於忱誠

仰祈有赫之觀丕錫無疆之福

萬壽觀 太上皇帝丁亥本命青詞

祇奉慈顏躬修至養屬陽春之季月紀元命之嘉辰  
爰卽仙宮敷陳於醮席庶通誠意延佇於飈旂仰資  
冲靜之緣茂介康甯之福

蒲散朱表

按籙殊廷薦恭羣位辭無祕祝維介壽於慈親事及  
休成益歸誠於元造

萬壽觀 開啟天申聖節道場青詞

薰風阜物協炎祚之重明祥電繞樞紀慈庭之初度

恭循道式祇被仙區詠雲極之空歌範霄晨之芳供  
具敷誠縉昭格天真冀垂眷佑之休永錫壽昌之福

蒲散朱表

祇修孝養欣臨震夙之辰虔介壽祺具徹高明之鑒  
更回丕佑永芘熙圖

萬壽觀 太上皇帝丁亥本命青詞

天人祐助光開壽貺之符日月推移環次命元之紀  
卽飈旂之靖館集羽禡之勝流參按冲儀敷陳芳供  
庶薦恭於霄極益介福於親庭

蒲散朱表

誠意昭通具徹九清之監慶祥純錫永膺萬壽之期  
施及羣生賴茲景福

萬壽觀 太上皇帝丁亥本命青詞

祇奉親顏躬修子道八月載績揆元命以端辰萬壽  
無疆被精衷而致禱虔卽真旂之館具陳祕籙之儀  
仰冀博臨永垂孚佑

蒲散朱表

介壽慈庭歸誠霄極靈娛昭答熙事備成架殫頌禱  
之誠重達高明之聽

太一宮 壽聖齊明廣慈太上皇后生辰青

詞

夙依道蔭祇奉母儀灝氣澄空方協霄星之象嘉祥  
紀旦載臨夢月之辰爰卽仙宮具遵冲式陳層晨之  
芳供詠祕笈之空歌虔冀高真永綏景福安享綿區  
之養常齊慈極之尊

蒲散朱表

祥開沙麓序當萬寶之成事歲琳宮誠徹九清之遠  
重祈元造永介繁禧

明堂大禮前於天慶觀開啟預告道場青詞

荷天丕序適當三歲之常稽古彌文肇講九筵之饗

預循國典祇卽仙宮演祕洞之真科下層晨之法御  
庶蒙靈右終舉上儀

萬壽觀 太上皇帝丁亥本命青詞

慶集慈親方享殊庭之養時標陽月適臨元命之辰  
恭卽仙區具遵冲式瞻睟容於煥座欵真馭於嘉壇  
仰冀應誠永垂介福

蒲散朱表

承顏順志益恭子職之修佑福兆祥更衍天休之至  
遯瞻虛極傾薦丹衷

明堂大禮畢告謝青詞



精卜商辰躬祠世室鳴鑾宿廟積雨夕收端冕升堂  
美光夜見荷純休之丕應迄熙事之備成祇卽仙宮  
具敷道式庸達齋明之意庶酬眷佑之恩

滿散朱表

合宮宗祀當盛禮之時行嘉應駢臻豈眇躬之能饗  
肅蠲淨宇祇按冲儀咸薦丹誠具聞衆聖誓永依於  
大道冀純佑於丕基

太一宮開啟會慶聖節道場青詞

祇承親訓寅奉邦圖天開震夙之辰適肇臨於寒籥  
人介蕃昌之福敢專有於眇躬夙啟清筵具陳芳供

庶上迎於丕貺悉下集於慈庭欽布丹衷默口冲鑒

滿散朱表

陽月肇寒適紀始生之度仙儀介福庶酬慈育之恩  
旣訖事於清壇益歸誠於大道

建康府啟建會慶聖節道場青詞

純貺開先適臨初度輿情歸美是紀良辰瞻勾曲之  
靈峯被神仙之眞館敷陳道式延降飈旂仰祈親壽  
之綿長俯冀民生之康阜更廻丕祐遂集眇躬九功  
之德可歌諸福之物畢至

滿散朱表

就盈之月天肇啟於昌期愛上之情人悉歸於景口  
敢因衆志仍達丹誠按瓊簡之眞筌延霞旌之仙御  
肅祈丕况永保熙圖茲甫及於休成益虔歸於元造

萬壽觀開啟會慶聖節道場青詞

長發其祥協明昌之休運誕彌厥月紀震夙之初辰  
祇按冲儀肅涓靖字像霄晨之芳供誦藥笈之靈章  
鋪薦誠忱順迎福況庶依承於道蔭益保乂於邦圖  
滿散朱表  
純誠上達熙事備成敢專福於眇躬實同休於庶俗  
茂膺降鑒益厲齋明

萬壽觀 太上皇帝丁亥本命青詞

躬修至德祇奉慈庭元命標適辰履隆冬之序眞科  
按式具殫善禱之誠旅芳供於清壇瞻睟容於煥座  
虔祈孚鑿丕錫純祺茂膺萬壽之期永享四方之養  
滿散朱表

高眞御座衆聖環筵旣祇荷於博臨庶永綏於景福  
傾瞻虛境敷露齋衷

皇帝進奉 壽聖明慈太上皇后生辰功德疏  
文

恩重母儀適紀誕彌之日誠修子道莫酬厚載之口

王堂類藁 九  
祇輯真筮虔伸善頌萬祥川至百祿岡崇永□□□  
之休上借慈極安享壽康之祉下庇函生

皇帝進奉 壽聖明慈太上皇后生辰表詞

序臨商籥浮灝氣於良辰慶集慈闈紀休祥於初度  
禮行廣內歡溢綿區渭水興周塗山翼夏坤儀□正  
夙推恭儉之風帝所清虛竝受安榮之養靜觀妙道  
茂介純禧臣嗣守丕基欣逢令旦虔致寶香之祝恭  
延壽算之昌

崔舍人玉堂類藁卷第十一

崔舍人玉堂類藁卷第十二

青詞表疏

萬壽觀 太上皇帝丁亥本命青詞

慈庭養志慶方集於昌辰仙簡標符祥實開於元命  
敢因良日祇卽殊宮啟雲笈之靈篇肅霞旌之真御  
虔祈昭鑒丕錫純禧獨觀衆妙之門永享萬年之福  
蒲散朱表

延真祕宇介壽慈親熙事涓成丹誠敷達更道迎於  
景貺益孚佑於昌圖

臨安府仲春就吳山忠壯英烈威顯王廟設醮

青詞

天開行闕地據洪流眷民俗之奠居慮波濤之密邇  
考唐人之賦雖陽散而當微問吳土之宜乃春中而  
特大爰循彝典祇卽靈祠繙霞觀之冲科歛雲駟之  
眞御敢祈聰監丕錫順祥汜銷暴溢之虞永享安寧  
之福

建康府茅山崇禧觀開啟天申節道場青詞

紹隆熙運祇奉慈庭游於物初正協道心之適養以  
天下方修子職之恭屬當彌月之辰爰卽羣仙之會  
旅延鸞御參繹雲章仰祈有赫之觀俯錫無疆之祐

獨高帝壽永覆邦圖

滿散朱表

頤神養性方觀衆妙之門儲祉發祥式紀千齡之運  
祇因盛節具飭冲儀詠金簡之靈篇啟玉京之清會  
丹衷敷達熙事休成益傾頌禱之誠永介壽昌之福

萬壽觀開啟天申節道場青詞

日永仲夏適開載夙之祥天生真人誕啟中興之運  
屬當盛旦祇卽殊宮旅芳獻於嘉壇佇神光於煥座  
敷陳冲式諷詠靈章恭俟鑒觀永垂孚佑案六經而  
口德旣超邁於前聞參萬歲而成純更丕延於景福

蒲散朱表

星樞感瑞方肇紀於昌辰霞觀延真已具殫於誠蘊  
肅迎不貺駢集慈庭更回有衍之祥永輔無疆之厯

萬壽觀

太上皇帝丁亥本命道場青詞

頤神養性方高蹈於殊庭介福迎祥宜率循於祕籙  
茲履清秋之序適臨元命之辰祇祓仙宮具嚴勝會  
佇神光於煩座演冲教於琅函仰冀博臨俯垂敷佑  
茂享無疆之壽永扶不拔之基

滿散朱表

凝欵丹晨薦恭羣位福祥繁會方下集於慈庭仗御

裴回當遄歸於霄極默懷監謚益罄齋明

臨安府仲秋醮祭吳山忠壯英烈威顯王青

詞

長江設險靈汐隨時山立海門折湍流而奔會月臨  
秋籥挾陰慝以暴興祇卽名祠敬遵冲式延九清之  
法御啟三洞之真筌伏願約束波臣鎮安地紀舳艫  
千里永消習坎之虞煙火萬家咸獲奠居之福

天慶觀報恩光孝觀青詞

旱魃爲虐遂連夏秋黎民阻饑當在旦夕方竭吁嗟  
之請庶消并隔之災爰露丹誠重干冲鑒口默口於

玉堂類稿 三  
□應卽垂賜於嘉休三日成霖儻早沾於□潤百穀  
就實尙可冀於豐登

太乙宮 壽聖齊明廣慈太上皇后生辰青

詞

玉管吹商正九秋之清序瑤臺夢月慶千載之嘉辰  
祇命羽流具嚴仙宇下霄晨之法御啟藥笈之眞筌  
仰冀鑒臨俯垂孚佑壽同慈極旣齊箕翼之長福燕  
後昆更閱雲來之盛

蒲散朱表

躬修子職祇奉親顏適標玉勝之期具歲金科之式

福流慶衍當均被於羣生事畢功宏益虔歸於大道

萬壽觀純福殿開啟安奉太上皇帝

今上皇帝本命相屬星官位牌青詞

祇飭殊宮欽崇大道量功慮事嘗圖輪奐之新揭虔  
爰靈爰肅威神之下敢涓良日卽啟嘉壇演祕錄於  
琅函瞻眸容於煩座仰祈昭鑒俯錫善祥介眉壽於  
親庭洽太和於海宇益肩精意永迪淵崇

蒲散朱表

道妙無方高設清真之御命生有本環分主衛之神  
茲竝妥於冲旂已畢成於熙事永懷福貺□□齋明

萬壽觀申乞撰會慶聖節道場青詞  
欽承慈蔭紹履丕圖長發其祥仰識儲休之自誕彌  
厥月敢專徹福之私祇卽仙宮肅遵科式像九霄之  
淨供詠三洞之靈篇延佇冲旂道迎景福上介雙親  
之眉壽下祈萬國之丕平永竭丹衷默依大道壽域  
滿散朱表  
冲儀修舉靈鑒孚通雲景杳冥行返三清之馭福基  
堅固當膺百順之休益罄純誠庶承景福

太乙宮申乞撰開啟會慶聖節道場青詞

月旅冬權時臨誕節上祇天命思茂介於純禧下愧  
民情念曷當於善祝肅涓靖館鋪按冲儀陳芝茹之  
芳華啟雲篇之隱奧仰紆清御俯鑒丹衷錫親壽之  
洪長畀民生之康泰庶依景貺益固熙圖

滿散朱表

震夙標辰思道迎於景福潔蠲修薦用凝欵於高真  
既成三洞之儀遂返九清之御傾瞻空極敷聲明誠  
建康府茅山崇禧觀啟建會慶聖節道場青

詞

純乾旅月天開震夙之符華渚標辰人頌壽昌之福  
靜循菲德茂對宏休按藥笈之真筌卽洞天之勝地

王堂類纂  
五  
敷陳淨供鋪究沖儀肅仙馭於璿霄望睟容於寶座  
虔祈丕佑永芘熙圖

蒲散朱表

冬籥道寒適協既盈之月皇家紀慶環臨載誕之辰  
望形勢之名都想神仙之奧宅祇循祕式虔祓嘉壇  
誦三洞之靈篇範九霄之芳獻涓成勝事降集丕休  
益堅兢畏之心永迓厯鴻之福

天慶觀報恩光孝觀青詞

大道無私高出範圍之表至誠有感默通精禋之間  
此以驕陽浸成重膏嘗傾輸於丹悃庶順道於嘉祥

帝闕九關飛章既達王畿千里沛澤遂周實祇荷於  
靈休敢肅修於報禮更期鑒佑永底平康

萬壽觀 太上皇帝丁亥本命道場青詞

虞侍慈顏備極四方之養欽崇元命昭延萬壽之期  
按藥笈之靈章陳玉京之芳供普紆清御徧扣高真  
冀竝介於親祺俾永修於子道

蒲散朱表

親壽無疆高蹈殊庭之逸福基有始具遵祕籙之儀  
旣訖事於嘉壇益傾誠於元造

萬壽觀 太上皇帝丁亥本命青詞



尊崇慈父世形孝治之風考按靈篇日次命元之紀  
式因穀日祇卽殊宮肅絳節之真旂宣琅函之妙典  
虔祈道芘垂佑親庭擁百祥順備之休享萬國安榮  
之養

滿散朱表

誠修子道已殫頌禱之辭教闡仙宮諒達高明之鑒  
既成熙事益厲丹衷

萬壽觀 太上皇帝丁亥本命道場青詞

天錫祺祥方樂大庭之養日環次舍適臨元命之辰  
祇卽殊宮肅遵祕典陳霄晨之淨供詠雲笈之靈章

鋪薦誠忱欵凝仙御丕集九清之貺永延萬壽之期

滿散朱表

虔修子道虞奉親顏歸誠衆妙之門邀福列仙之館  
仰祈丕佑俯鑒丹衷

萬壽觀申撰開啟天申聖節道場青詞

慈極居尊方享安榮之養炎衡紀序適開震夙之辰  
祇卽殊宮虔遵祕典陳玉京之芳供詠琅簡之空歌  
罄露誠衷敷聞聰鑒丕集九疇之福永增萬壽之期

滿散朱表

迎祥祕宇方勝事之熙成介壽慈親已純誠之上達

更祈丕佑永輔昌圖

太乙宮 太上皇帝丁亥本命青詞

親壽綿長擁純休而方盛福基肇啟推定命以有先  
爰集羽流肅遵科式演靈章於瓊笈陳芳供於瑤壇  
仰冀鑒臨俯垂孚佑益介無疆之算永扶不拔之基

蒲散朱表

輸誠以禱迎嘉應於親庭畢事而旋企睟容於天路  
更祈道蔭益芘民生

太乙宮開啟天申聖節道場青詞

欽承丕緒祇奉慈親彌月肇祥適契盛明之會殊宮

介福具遵虛靜之儀瓊章敷三洞之音玉節駐九霄  
之仗懇祈靈顧降集善祥益增萬壽之期永享四方  
之養

奉蒲散朱表

高聽下臨純誠上達福祥川至已駢會於慈庭仗御  
雲行當遄歸於霄極更祈靈顧益鑒丹衷

太上皇帝進奉

太上皇后生辰表詞

金行屆節澄灝氣於圓霄玉勝標辰啟嘉祥於慈闈  
敢殫善頌用達歡悰伏願玩意希微怡神淵靜尊榮  
儷極永觀漢殿之朝慈儉流風普洽周家之化臣躬

修至養欣際昌期爰持一瓣之香庸致萬年之祝

皇帝進奉 太上皇后生辰功德

母道尊崇式紀發祥之旦仙宮虛靜具修介祉之儀  
伏願福海淵深壽山堅固上齊乾父超高厚以無疆  
下閱雲孫曼來仍而未老

太乙宮 太上皇后生辰青詞

孝奉慈闈方極尊榮之養涼生清管適符誕育之期  
祇被仙宮肅遵道式發雲章於瓊笈下風御於璿霄  
仰冀鑒臨俯垂孚佑壽齊聖父八千歲以爲秋福蔭  
皇圖七百年而過曆

蒲散朱表

祥開沙麓鍾母範於良辰教闡殊宮欵颺旂於清夜  
虔祈冲鑒丕錫順祺適臨竣事之期更露由衷之悫

萬壽觀會慶節道場青詞

霜律肇寒適紀發祥之序星冠按式具修介福之儀  
陳美薦於嘉壇欵真旂於煥座仰回淵鑒俯照丹衷  
上延親壽之綿長下芘民生之康阜更祈涼德永保  
熙圖

蒲散朱表

殊宮宏璉已迎百順之祥雲路續紛行返九霄之御

益殫誠禱更俟鑒觀

崔舍人玉堂類藁第卷十二

崔舍人玉堂類藁卷第十三

口宣

曾懷除右丞相賜告口宣

卿才智俱優暫違宰位讒誣既釋盍返台階綸告往  
頒趣宜祇受

楊倓除靖海軍節度使賜告口宣

卿飛華禁路濟美勲門爰陞將鉞之崇式獎事功之  
盛往頒綸告宜即欽承

楊倓上表再辭免除靖海軍節度使簽書樞密  
院事不允仍斷來章批答口宣

卿久踐禁途夙優賢績茲晉登於樞筦仍宏建於齋  
旄溫詔趣承毋庸重請

會覲上表再辭免除開府儀同三司不允仍斷  
來章披答口宣

卿蚤事初潛薦更要任誕頒恩命晉視台司宜卽欽  
承毋庸重請

曹勛除開府儀同三司賜告口宣

卿歷更四朝躬秉一德茲錫昕廷之命俾參公府之  
儀實出朕衷往其祇服

撫問新除參知政事鄭聞到闕并賜銀合茶藥

口宣

卿進還舊位行底修門方欽竚於嘉猷諒采多於勞  
役特推寵錫仍諭眷懷

金國賀會慶聖節使人到闕回程賜龍鳳茶并  
金鍍銀合口宣

卿等拭玉成儀祖車問道屬寒風之淒厲正行役之  
悠長爰錫珍芳用資和嗇

賜殿前司蒲散會慶聖節道場乳香口宣

卿等密護宸巖欣逢誕節悉率三軍之士虔祈萬壽  
之符特錫名香用昭善意

玉堂類稿 卷十三  
賜樞密院官滿散會慶聖節道場乳香口宣  
卿參陪宥密展効忠勤逢甲觀之初辰修寶坊之勝  
會爰頒薰馥式助精虔

樞密院官赴貢院齋筵賜酒果口宣

霜籥司辰電樞紀節肆啟鈞臺之會竝延武服之賢  
維實及醪寵頒其受

賜步軍司滿散會慶聖節道場乳香口宣

卿等典司禁旅拱護宸嚴適逢震夙之辰竝祝麗鴻  
之福推子嘉錫迪爾精衷

賜皇太子府滿散會慶聖節道場乳香口宣

卿端居儲位欣際誕辰具殫誠意之勤申祝壽祺之  
永錫茲異馥侑爾至虔

撫問皇子魏王愷到闕并賜金合茶藥口宣

卿祇會誕辰暫違藩服適風霜之初厲諒道路之多  
勤加致匪頒就將勞問

金國賀會慶聖節使人回程平江府賜御筵口  
宣

卿等言旋使傳已屆吳門肆啟初筵用昭眷遇少休  
濡轡庶遂從容

赤岸賜御筵口宣

玉堂類稿 三  
卿等言辭魏闕甫出都門當行色之云初悵使華之  
遂遠少留近館特啟芳筵

鎮江府賜御筵口宣

卿等驩成聘禮廻次江城載馳載驅諒多勞役既嘉  
既旨少示眷懷

盱眙軍賜御筵口宣

卿等修成無爽畢事言還卽候館以載休遡淮流而  
將邁特頒燕衍少遂遲留

赤岸賜酒果口宣

卿等總轡登塗抗旌歸國自茲跋履良念賢勞厥有

旨芳是將眷遇

玉津園射弓賜酒果口宣

卿等遊于芳園樂此終日旣協和容之度益觀命的  
之能爰有匪頒庶資宴喜

朝辭訖歸驛賜御筵口宣

卿奉將慶幣祇會誕辰維其令儀汔此成禮旋卽賓  
郵之適肆頒燕俎之豐

朝辭訖歸驛賜酒果口宣

卿等入辭宸陛歸憩賓郵念惟將事之勤行及騰裝  
之邁特推寵錫俾侑宴私

金國使人到闕玉津園賜御筵口宣

卿等朝儀既畢使事方休聊從禁苑之遊肆講射侯之樂特頒慈燕用洽嘉歡

玉津園射弓賜例物口宣

射侯既設樂節斯行各奏爾能罔愆于禮式示便蕃之寵用旌審固之容

賜宰執已下喜雪御筵口宣

嚴籥凝寒飛花應瑞已銷疫癘之氣仍兆豐登之期爰致匪頒庶均宴喜

皇太子魏王愷再辭免除改判明州不允批答

口宣

卿來朝宸陛改鎮价藩匪出私恩是崇國體已加伸諭宜卽祇承

撫問奉使金國報聘使副張子顏等到闕并賜銀合茶藥口宣

卿等言邁使傳已屆都門屬時序之方寒諒道塗之多勩特推賜式庸示眷懷

金國賀正旦使人赴闕盱眙軍傳宣撫問并賜御筵口宣

卿等遠馳使傳祇會春朝已甫達於封疆爰特頒於



燕豆仍加勞問庸示眷懷

平江府賜御筵口宣

卿等銜命修盟馳車在道方少休於近輔宜就錫於初筵用慰勤勞庶昭眷遇

鎮江府賜銀合茶藥口宣

卿等奉將慶問行次近州眷言跋履之勞盍有綏調之助靈芽良劑爲賜宜承

鎮江府賜御筵口宣

卿等肅持慶禮申講歡盟方優薄於中途適憩寧於外館就頒燕席聊拂征塵

赤岸賜御筵口宣

卿等竝馳華轡甫屆近郊念行役之多勤屬賓郵之少適特頒慈燕庸示眷懷

赤岸賜酒果口宣

卿等張旌長道解轡近郵諒惟跋履之勞爰有旨嘉之賜庶資燕喜宜體眷懷

葉衡上表再辭免除右丞相不允批答口宣

卿懿德邁倫通材周變比疇宿望晉陟台司已協僉俞趣宜祇服

葉衡上表再辭免除右丞相不允仍斷來章批

答口宣

卿才周物表識洞幾先茲晉陟於台司將盡施於賢  
縑趣宜祇拜毋復多陳

李彥穎上表再辭免除端明殿學士簽書樞密  
院事恩命不允仍斷來章批答口宣

卿秉義醇正受材高明茲稽協於僉兪俾晉陪於宥  
畫卽宜祇拜毋復多陳

葉衡轉官加恩賜告口宣

登進成書優崇懿績渙此大廷之命賚于端揆之臣  
尙體眷懷卽宜祇服

金國賀正旦使人到闕賜被褥鈔鑼等口宣

卿等奉將慶儀寧處賓館宜有衾裯之適亦資器用  
之良竝致分頒式昭眷遇

十二月三十日賜內中酒果口宣  
時令將新歲華茲暮諒旅懷之多感宜眷意之加隆  
維實及醪賜從內府

正月一日入賀畢歸驛賜御筵口宣

卿等祇修慶問甫畢朝儀旣具閱於恭勤爰優加於  
禮遇專馳近侍卽啟芳筵

正月一日入賀畢歸驛賜酒果口宣

玉堂類稿  
卿等入慶會朝退安次舍爰致芳甘之實仍分嘉旨  
之醪竝洽殊私庶資良集

正月三日賜內中酒果口宣  
四序更端三朝紀節爰念使郵之適宜推賜式之豐  
嘉實芳醪往宜祇受

皇太子滿散會慶聖節道場乳香口宣  
卿位處儲宮時逢誕節申祝壽祺之永具殫誠意之  
勤爰錫名香用資善禱

賜三省官滿散會慶聖節道場乳香口宣  
卿等欣逢誕節祇率采僚集梵宇之勝緣介宸居之  
備福異香是錫眷意宜承

賜樞密院滿散會慶聖節道場乳香口宣  
卿等賦重本兵誠深報上因誕辰而協慶卽梵苑以  
祈休爰錫名香用孚至意

賜殿前司滿散會慶聖節道場乳香口宣  
卿等董戎禁旅協慶誕辰悉輸頌禱之誠虔介壽昌  
之福推予嘉錫侑爾精衷  
賜馬軍司滿散會慶聖節道場乳香口宣  
卿等義存歸美志篤輸忠因誕節之戒辰卽寶坊而  
獻福香維達意賜以昭誠

賜步軍司滿散會慶聖節道場乳香口宣

卿等典司驍衛拱護嚴宸欣逢震夙之辰同祝厯鴻之算宜加頒賚用助精虔

金國賀會慶聖節使人到闕賜被褥鈔羅等口

宣

卿等奉將使命協慶誕辰興懷匱泊之初圖便燕私之適爰推頒賚宜卽欽承

回程賜使副冬至節絹口宣

卿等奉書修慶訖事言還適陽律之方萌諒征途之正凜善縑往錫至意宜承

賜三節人從冬至節絹口宣

汝等竝將使事適履天正風霜多寒道路良苦爰資安煖之用式慰逶遲之勤

赤岸賜御筵口宣

卿等祇成慶禮遄卽歸途宜少駐於近郊俾就陳於祖帳用昭眷遇亦慰勤勞

使人到闕在驛賜生餼口宣

卿等偃息驂駢憩寧館舍特戒使璫之遣往頒禮餼之豐維厚寵私卽宜欽承

玉津園射弓賜御筵口宣

卿等使華多暇禁苑言遊聞弓矢之斯調諒威儀之有則宜加燕勞用表眷懷

賜三省官滿散天申聖節道場乳香口宣

炎籥告中璿樞紀瑞悉率官僚之衆竝祈聖壽之延亮乃勤誠往茲嘉錫

賜三省官齋筵酒果口宣

時臨誕聖禮厚肆筵當暑氣之方清諒歡心之正洽嘉肴旨酒併以示慈

賜步軍司滿散天申聖節道場乳香口宣

卿典司禁旅際會誕辰率軍士之歡情祝聖神之壽

社爰加頒賚庶助精虔

賜馬軍司滿散天申聖節道場乳香口宣

薰琴御令祥渚標辰慶符千載之期歡動三軍之衆爰頒寶馥俾達誠忱

賜殿前司滿散天申聖節道場乳香口宣

密護周廬欣逢誕節悉率三軍之衆虔祈萬壽之休爰錫名香俾通誠意

明堂大禮禮畢宣勞將士口宣

卿等肅共武服典護嚴宸逮茲祀事之成多爾戎昭之助竝加眷撫式慰忠勤

右丞相趙雄上表再辭免勅令所修進一州一路酬賞轉一官加恩恩命不允批答口宣  
卿總率衆職辨章萬微茲疇定令之勤乃下進階之命是惟故典豈必牢辭

參知政事錢良臣上表再辭免勅令所修進一州一路酬賞轉一官加恩恩命不允批答口宣

章程明備憲令端平旣通變以可行乃議勞而自近已頒成命難徇謙懷

趙雄特授宣奉大夫依前右丞相魯郡開國公

加食邑賜告口宣

嚴修賞式不勸外邦時予鈞軸之臣就此簡編之績茲頒茂典宜服明恩

趙雄上表再辭免祕書省進呈會要了畢提舉官特轉兩官依例加恩恩命不允批答口宣

卿賢福被民儒猷經國茲換絲綸之寵庶酬翰墨之功典實有初命維無返

錢良臣上表再辭免祕書省進呈會要了畢禮儀使特轉兩官加恩恩命不允口宣

汗簡告成涓辰登進茂對亨嘉之會畢陳祲盛之容  
既藉總提可無褒賞

王淮再上表辭免提舉經修會要特轉一官恩  
命不允斷章批答口宣

登進成書推加茂典一進階而示寵三抗奏以陳辭  
成命卽行多言無益

史浩上表辭免已進會要經修不經進轉官令  
回授恩命不允批答口宣

書成英館賞逮元臣既從酌損之規猶守勞謙之美  
是爲已過奚復可從

撫問金國賀會慶聖節使人赴闕盱眙軍賜御

筵口宣

卿等遠持慶禮祇會誕辰念甫越於邊疆俾就頒於  
燕席式昭眷遇庸慰勤勞

赤岸賜酒果口宣

卿等祇飭使車遠將邦禮望都門而伊邇卽郊館以  
少留爰致恩頒庶資燕會

賜史浩告口宣

宗祀合宮熙成慶事茲推頒於惠澤首商賚於耆臣  
宜服口章益綏壽福

宜賜會觀告口宣

歲事閔筵布釐庶位乃眷耆明之彥宜優慶賚之章  
茲錫恩綸是均餽福

宜賜鄭藻告口宣

事畢崇堂恩覃列位茲輯神釐之澤遂優戚畹之賢  
宜服寵榮益綏壽愷

燕賜皇太子滿散會慶聖節道場乳香口宣

卿位正儲宮時當誕序益厚君親之愛悉哀仙梵之  
因爰錫名香用孚至意

賜三省官滿散會慶聖節道場乳香口宣

卿等欣逢誕節悉率采僚効嵩嶽以輸誠卽梵宮而  
營福爰頒異馥庶助精虔

賜樞密院官滿散會慶聖節道場乳香口宣

卿等經武地嚴愛君志厚因祥樞之紀序卽佛宇以  
輸誠宜錫名芬俾資善禱

賜殿前司滿散會慶聖節道場乳香口宣

卿等宣勞武服典護巖除欣逢載誕之辰虔祝無疆  
之壽爰頒異馥庶達精誠

賜馬軍司滿散會慶聖節道場乳香口宣

□□□□精騎拱護嚴宸逢誕節以輸誠卽寶坊而



介福爰頒香炷庶助齋衷

賜步軍司滿散會慶聖節道場乳香口宣

卿等總提勁旅嚴衛明庭畢殫愛上之誠咸祝後天

之福宜推嘉錫俾侑精虔

...

...

...

...

...

崔舍人玉堂類藁卷第十三

崔舍人玉堂類藁卷第十四

口宣

金國賀會慶節使人到闕玉津園射弓賜酒果

口宣

卿等適此暇日遊于芳園方觀審固之能爰致旨嘉

之賜維茲將意庶以侑歡

朝辭訖歸驛賜酒果口宣

卿等進辭殿陛歸憩賓郵爰分嘉實之多仍致上尊

之美竝昭恩遇各體眷懷

朝辭訖歸驛賜御筵口宣

卿等趨庭告去偃節少留當曲盡於從容俾就陳於  
宴衍眷懷茲厚禮意宜承

回程赤岸賜酒果口宣

卿等協講歡盟言成慶禮指歸途而將邁卽近館以  
少留頒以甘新昭予眷遇

十月二十二日玉津園射弓賜御筵口宣

卿等射藝絕倫賓客協度特啟初筵之錫俾留終日  
之歡式示眷私用優禮遇

十月二十二日賜內中酒果口宣

卿等遠持慶問祇及都郵錫茲多旨之醪薦以甘芳  
之實並由內府式表殊恩

賜宰執已下喜雪御筵口宣

時及元冬雪呈上瑞已兆有年之慶尤深同樂之懷  
爰卽公堂俾陳高會

右丞相史浩上表再辭免玉牒所進書回授  
轉官依例加恩恩命不允仍斷來章批答口

宣

書昭先烈恩逮台臣旣酌損以適宜亦勞謙而具至  
卽宜祇受毋復多陳

金國賀正旦使人赴闕盱眙軍傳宣撫問賜御

筵口宣

卿等協講歡盟遠持慶禮已飛軒而及境將濡轡以遵塗式厚撫存仍頒燕喜

平江府賜御筵口宣

卿等飛華使傳修慶春正知己屆於吳門宜卽頒於燕席用昭眷遇式慰勤勞

鎮江府賜御筵口宣

卿等夙戒使駢遠將慶幣知絕江而既濟因授館以少留式厚眷私就頒燕衍

鎮江府賜銀合茶藥口宣

卿等遠馳使傳近次江城念跋履之勤勞宜沖和之轉養特推嘉錫用表殊私

賜接伴使副春幡春勝口宣

春華潛動物態交熙眷言要近之臣適有驅馳之役爰推賜式俾道時休

賜金國賀正且使副春幡春勝口宣

三陽肇始萬寶向榮眷懷使事之勤適閱年華之美竝推繁錫俾對良辰

賜三節人從春幡春勝口宣

寒氣凋謝春陽發生旋觀物意之溥深念征塗之勤

竝膺頒賚同洽歡康

趙雄特授右丞相賜告口宣

卿稟方大之資迪忠純之度茲登相位實協民情宜服恩書卽恢賢業

王淮特授樞密使賜告口宣

卿受材高明蹈道中正久秉司於樞筦茲進陟於使權宜服明綸汔終顯績

史浩再上表辭免除少傅恩命不允仍斷來章

批答口宣

朕優崇耆臣肇錫異禮既誕頒於成命已允愜於羣

心謙避之章止茲毋至

趙雄上表再辭免右丞相不允批答口宣

朕渙發邦號延登相臣台路有暉輿情胥喜宜略謙恭之守卽恢宏遠之圖

王淮上表再辭免樞密使不允批答口宣

朕考協民言登庸樞輔已頒顯命方伋嘉猷尙陳引避之辭殊拂倚成之望

金國賀正旦使人赴闕赤岸賜筵口宣

卿等竝將使命協慶春元知已屆於近郊方少留於口館卽頒惠燕用表眷懷

赤岸賜酒果口宣

卿等使傳載馳都門密邇錫以上尊之美副之嘉實之多庸慰勤勞少資燕適

士歆特授保康軍節度使賜告口宣

卿謙恭飭已孝友承家已頒渙號之恩遂授齋壇之節宜孚眷意卽服寵章

士歆上表再辭免保康軍節度使不允批答口

宣

卿蔚爲宗英休有德問茲頒英節具協彝章宜收謙挹之辭卽服顯崇之寵

金國使人回程賜龍茶鳳茶并金鍍銀合口

宣

卿等竝馳使節祇及都郵爰頒貢茗之英用輔沖襟之適是爲嘉賚宜體深懷

平江府賜御筵口宣

卿等持禮告成廻轅邁邁念當經於吳會俾卽啟於賓筵庶洽歡娛式昭眷遇

盱眙軍賜御筵口宣

卿等竝馳使傳已指歸塗念將濟於淮流知少留於賓驛卽頒燕衍庶盡從容

寶鼎赤岸賜酒果口宣

卿等祇協歡盟言成慶禮方出留於近館將前進於遐塗宜有分頒庶資燕喜

寶鏡金國使人到闕玉津園射弓賜射弓酒果口宣

卿等使事少閒苑游胥樂知有循聲之藝諒多中節之儀式厚寵頒庶資燕適

十二月二十八日賜生餼口宣

卿等竝揚使節已次都郵念方釋於賢勞宜少安於頤養特頒禮餼用表眷懷

十二月三十日賜內中酒果口宣

卿等卽于館寓及此歲除爰將眷予之誠特致芳醕之品凡茲嘉錫出自內庭

正日一日入賀畢歸驛賜御筵口宣

卿等入覲闕廷歸休館舍閱威儀之有度想陟降之良勞式示眷懷卽頒燕衍

密賜大銀器口宣

卿等協慶春元肅將聘禮昭以寵光之厚錫茲器用之華是出隆私卽宜欽受

正月一日入賀畢歸驛賜酒果口宣

玉堂類纂 卷十四  
卿等將命修歡造朝成禮方遄歸於賓驛式興念於賢勞茲有分頒庶資燕喜

賜被褥鈔鑼等口宣  
卿等奉將慶禮協講歡盟式圖賓館之安竝致燕居之用宜承厚錫咸體隆懷

正月三日賜內中酒果口宣  
春華浮動使事遲留錫之和旨之醪侑以芳滋之實竝由內禁式表殊懷

正月四日玉津園射弓賜射弓御筵口宣  
春陽融豫禁苑靖深方觀射藝之長庸洽賓歡之適

卽頒燕設宜遂款留

賞 正月四日玉津園射弓賜射弓弓箭例物口

宣  
卿等聯馳使騎並集禁園具施命中之奇式協和容之度特伸頒賚宜體眷懷

賜賀金國正旦使宇文价副使趙鵬到闕傳宣  
命 賜撫問并賜銀合茶藥口宣

卿等往將使命還及都門維跋履之良勤宜眷懷之加厚特推頒賚仍致撫存

王淮上表再辭免曾預修纂隆興以後日曆奏

成篇秩特轉行一官依例加恩恩命不允批答

口宣

卿任專宥密謀罄忠嘉茲疇翰墨之勳爰煥絲綸之命是循彝典宜畧撫章

趙雄上表再辭免曾預監修纂隆興以後日曆

奏成篇秩轉行一官依例加恩恩命不允批答

口宣

朕比蒐儒彥俾纂信書深嘉載筆之勞亟下疇庸之賞茲維典故豈必牢辭

錢良臣上表再辭免修纂隆興以後日曆奏成

篇秩特轉行兩官依例加恩恩命不允仍斷來

章批答口宣

書成三館章徹九重方疇汗簡之勞可後提綱之輔已頒渙命難徇謙懷

趙雄再上表辭免日曆奏成篇秩特轉行一官

不允仍斷來章批答口宣

剡奏上聞信書告備事蓋干於國典賞首暨於輔臣茲協葵章豈須過遜

王淮再上表辭免日曆奏成篇秩特轉行一官

不允仍斷來章批答口宣



卿疊上封章懇辭褒典已具形於申諭猶固執於謙  
懷命已惟行誼無可返  
撫問賀金國生辰使錢冲之等到闕并賜銀合  
茶藥口宣  
卿等奉書修好邁命及門興懷周道之勤宜加致溫  
之諭仍將賜式併示眷誠  
趙雄轉官告口宣  
信書告備懋典時行茲考協於邦常益尊崇於宰路  
宜祇成命迄究宏圖

王淮轉官告口宣

書成東觀勲策西樞躋登一秩之崇褒表三長之善  
茲頒寵命宜體眷懷

賜皇太子滿散天申聖節道場乳香口宣

位居儲極恩重慈庭欣臨載夙之辰倍祝無疆之算  
爰頒異馥庶侑精虔

樞密院官滿散天申聖節道場乳香口宣

卿等任隆宥府時慶誕辰能祇率於案僚悉虔祈於  
壽祉特頒名馥庶助精誠

樞密院官齋筵酒果口宣

節紀誕彌誠輸歡頌已肅陳於高會俾茂對於良辰

王堂類纂  
馳賜旨芳欸留燕樂

史浩加恩賜告口宣

朕燔柴薦事徹俎均禧肆頒寵數之隆爰及弼諧之舊益宣賢業用答眷私

鄭藻加恩賜告口宣

陽陔之祀甫訖上儀戚畹之英首均嘉況往頒恩綍宜卽欽承

蒲察久安加恩賜告口宣

上儀丕闡慶澤旁流維予忠藎之臣厥有褒嘉之典欽承明命益展壯圖

姚憲上表再辭免除參知政事不允仍斷來章

批答口宣

卿敏猷經國碩德端朝進翊化元具符民望斷章催拜宜卽欽承

葉衡上表再辭免除端明殿學士簽書樞密院

事不允仍斷來章批答口宣

卿高明之資正大之學蔽自朕志登于幾廷僉言其孚毋復有請

賜皇太子府滿散天申聖節道場乳香口宣

卿位正儲宮慶承慈極式協誕彌之日尤深善頌之

情爰錫異香用孚至意

賜步軍司滿散天申聖節道場乳香口宣

序當炎籥慶紀慈闈維時武服之良采祝天休之永式資善禱爰錫名香

賜樞密院官滿散天申聖節道場乳香口宣

卿謀參宥畫慶協休辰祇憑仙梵之因仰贊壽昌之福香維達意賜以助誠

樞密院官赴齋筵賜酒果口宣

慶集親闈祥開誕節爰啟惠慈之燕首均宥密之賢維實及醪往其祇受

王友直上表再辭免除奉國軍節度使不允仍

斷來章批答口宣

卿沈毅不回剛方自立久典殿巖之衛肆開闡制之嚴成命已孚遜辭其止

葉衡上表再辭免除參知政事不允仍斷來章

批答口宣

卿德望素隆材能兼劭茲擢陪於國論庶具展於壯猷成命已孚遜辭毋至

金國使人赴闕盱眙軍賜御筵口宣

卿肅馳輶傳已次封疆永言跋履之勞爰啟惠慈之

燕用昭眷禮宜體誠懷

鎮江府賜茶藥口宣

卿等建旌修聘濡轡遵塗爰嘉行邁之勤宜有匪頒之禮特推珍賜用表眷懷

鎮江府賜御筵口宣

卿等夙將聘節竝駕征塗當春物之繁華念使駢之勞勩往頒燕衍式示恩私

赤岸賜御筵口宣

卿夙馳華轡甫次近郊方弭節以少休爰肆筵而式衍宜承厚遇用洽隆私

崔舍人玉堂類藁卷第十五

口宣

金國賀會慶聖節使人回程盱眙軍賜御筵口

宣

卿等來修聘禮回次淮津念將越於邊疆俾少休於候館特馳使騎就啟賓筵

遇冬至節賜使副節緝口宣

風威載肅水澤將堅深懷使介之勤重涉川塗之遠爰推厚錫庶表隆私

賜三節人從冬至節緝口宣

汝等使事言旋歸塗尙邈適履隆寒之序□□卒歲  
之求爰有分頒俾同安吉

卿等整駕歸程經塗會府將濟江而于邁俾就館以  
少留馳諭至懷卽陳高會

使人到闕十月二十七日賜內中酒果口宣

留連使節燕息賓郵爰頒多旨之醪仍侑甘新之實  
是將厚意竝出內庭

冬陽和豫禁苑闕深方觀審固之能爰錫甘芳之品

庶資宴樂宜遂從容

回程赤岸賜御筵口宣

卿等聘儀成禮歸馭首塗方出次於近郊俾就陳於  
高會是昭眷遇庸慰勤勞

玉津園射弓賜弓箭例物口宣

卿等使事少閒賓儀載舉知和容之有度諒命中之  
無虛爰致分頒宜留衍樂

上壽畢歸驛賜御筵口宣

卿等入造壽班退休賓驛觀修容而可度知率禮以  
無違式厚眷懷卽頒燕衍

十月二十一日賜內中酒果口宣

使介之勤遊休外館酒肴之錫分出內庭庶表眷私是昭寵異

朝辭訖歸驛賜酒果口宣

卿等已畢邦儀遂辭殿陛方歸休於賓舍當漸理於歸裝爰示燕慈用昭眷禮

在驛賜牲餼口宣

卿等竝展使華夙將慶問遄卽賓郵之適就頒禮餼之豐是出眷懷宜資燕喜

賜宰執已下喜雪御筵口宣

氣入祁寒雪呈瑞應驗玉燭之無爽慶金穰之有期爰厚惠慈宜同燕樂

金國賀會慶節使人到闕賜被褥鈔鑼等口

宣

卿等遠馳使傳入憩賓郵旣休跋履之勤宜便寢興之用爰加寵錫庶示恩懷

賜射弓例物口宣

卿等聘儀成禮使事多勞宜從禁苑之遊用洽賓歡之適爰推寵賚式示眷懷

十月二十七日賜內中酒果口宣

使介聯華方休外館甘芳推錫咸出內庭爰諭口懷  
庶章優遇

卿等祇達慶書肅成聘禮出眷懷之優渥錫器用之  
光華仍諭溫言庶昭殊遇

卿等聘禮有成使儀云復已展辭於殿陛方歸息於  
都郵爰致甘芳庶資宴樂

回程鎮江府賜御筵口宣

冬律向寒使車遄邁諒經途於會府當弭節於賓郵

爰示恩懷卽盼燕禮

在驛賜生餼口宣

使華持禮邦好成儀重懷次舍之須特厚餼率之品  
宜承恩錫尙體誠懷

賜射弓酒果口宣

良弓勁矢維以觀能嘉實芳醪庶其將意宜服惠慈  
之寵益施審固之長

賜步軍司滿散會慶聖節道場乳香口宣

卿職司禁旅時際誕辰卽梵宇以輸誠率歡心而介  
壽爰加頒錫用助精虔

賜馬軍司滿散道場乳香口宣

卿典司驍騎拱衛嚴宸欣達載震之期虔祝無疆之壽專馳近侍俾錫名香

金國賀正旦使人赴闕鎮江府賜御筵口宣

卿等遠將慶禮祇會元正適取道於江城聊弭旌於賓館專馳近侍卽啟華筵

鎮江府賜茶藥口宣

卿等來會元春行經近府頒以靈芽之貴副之珍劑之良用慰勤勞式昭眷遇

回程平江府賜御筵口宣

使節言旋歸途尙邈念當經於近府俾就啟於初筵式示恩光宜流燕樂

玉津園射弓賜酒果口宣

卿等使事有閒禁園胥樂錫以上尊之旨侑之嘉實之芳庶洽歡虞宜承眷遇

十二月三十日賜內中酒果口宣

卿等使華偃息賓館從容適當歲律之除爰示恩光之異凡茲多品出自內庭

回程賜龍鳳茶并金鍍銀合口宣

建溪方貢內府珍藏爰嘉使傳之華聊備歸裝之用



式將眷遇尙體誠懷

朝辭訖歸驛賜御筵口宣

卿等竝飭使儀肅成邦禮既入辭於殿陛方出憩於賓郵就啟華筵式昭厚遇

回程赤岸賜酒果口宣

卿等馳輶成禮濡轡遵途知漸遠於都門聊少留於郊館式加頒賚用示眷私

盱眙軍賜御筵口宣

卿等言旋使傳已屆邊疆重懷跋履之勞爰示惠慈之眷宜留衍樂庶遂從容

上壽畢歸驛賜酒果口宣

卿等肅將使命祇會春朝既進畢於壽儀方退休於賓驛爰推賜品用表眷懷

回程赤岸賜御筵口宣

卿等聘禮有成使輶云復方弭裝於近館爰示惠於初筵尙體恩私宜留燕樂

賜金國使副春幡勝等口宣

氣轉洪鈞祥開蒼陸深念歲華之變適當使節之留爰舉時儀俾綏壽福

賜送伴使副春幡勝等口宣

三陽布澤萬彙回春興言文武之臣適有驅馳之役  
竝推賜式庸示恩懷

賜金國三節人從春幡勝口宣

冬律載更春華方動爰均頒於節物庶昭示於恩光  
宜體眷存各忘勞役

趙雄辭免轉官不允批答口宣

卿總率諸儒剛裁大典閱簡編之告備仰謨烈之增  
光已錫茂恩豈容固遜

錢良臣辭免轉官不允斷來章批答口宣

書成良史禮講上儀重嘉使領之勞爰厚恩榮之典  
宜收沖節卽服優章

周必大辭免轉官不允斷章批答口宣

書成史策賞逮儒勞已孚成命之行尙閱沖章之至  
宜祇眷遇卽服恩光

樞密使王淮辭免轉官不允批答口宣

史書來上賞典時行肆疇論譔之勞爰厚褒榮之禮  
卽宜祇服毋重謙陳

賜王淮再上表辭免轉官不允斷章批答口  
宣

賞典旣行民言維允方趣頒於明制奚確避於□□

宜服寵光尙圖報禮

賜王淮告口宣

啟封全國進位崇階雖優答於勤勞實顯加於體貌當祇隆遇卽服榮章

撫問賀金國正旦使副葉宏等到闕并傳宣賜銀合茶藥口宣

卿等將聘出疆振衣還闕深念馳驅之遠爰加撫勞之溫仍有恩頒併昭眷遇

撫問新知建康府范成大到闕并賜銀合茶藥口宣

卿廟堂宿望藩輔殊庸當趨行闕之朝遂卽留都之鎮專馳近侍俾諭深懷

賜進士聞喜宴口宣

傳臚殿陛合射宸庭旣具洽於龍光宜胥同於燕樂尙承恩遇各勉忠圖

史浩辭免轉官不允批答口宣

篇徹經筵恩施儒彥方隆耆德之遇宜厚寵章之加固出至懷奚勞重請

賜史浩除少師告口宣

卿歷殫誠請願卽里居旣勉徇於高情宜優加於茂

王堂類稿  
典祇承恩命益介壽祺

史浩辭免特授少師不允批答口宣

朕優崇元老寵賁歸途既聳暢於高風益允符於輿論尙堅素守殊拂深懷

史浩斷來章批答口宣

卿潛藩舊德合路耆臣既莫遂於眷留爰有加於恩遇已孚明命宜略謙章

賜趙雄告口宣

卿屢貢需章確辭丕務已勉從於雅志仍優畀於便藩宜服茂恩更昭顯績

賜王淮告口宣

朕參稽公論登用真儒已誕告於廷紳方聳觀於賢業宜承休命益邁遠猷

金國賀會慶節使人回程盱眙軍賜御筵口

宣

卿等竝持使節胥會誕辰方回次於邊疆爰卽放於宴席宜承眷遇各慰賢勞

平江府賜御筵口宣

卿等抗旛成禮回轡遵塗念多跋履之勤宜厚惠慈之寵專馳近侍深諭至懷

鎮江府賜御筵口宣

卿等修禮告成受書邁邁適弭旌於近府行整棹於長江爰錫初筵是昭優遇

赤岸賜御筵口宣

卿等竝驅周道甫出修門念行涉於長途宜優加於榮遇卽頒宴席宜體眷懷

赤岸賜酒果口宣

卿等濡轡登途弭旌就館方少休於徒御爰併錫於旨芳庶洽燕私各忘疲勩

朝辭訖歸驛賜御筵口宣

卿等使事已成禮儀無爽旣展辭於殿陛方歸憩於都郵爰厚惠慈俾同燕樂

朝辭訖歸驛賜酒果口宣

卿等受書以退竣事而旋諒多陟降之勞爰厚旨嘉之品宜祇寵錫各體眷懷

玉津園射弓賜弓箭例物口宣

卿等使事有閒射儀克講爰厚旌能之寵仍加適用之良宜體眷私尙留欵樂

賜被褥鈔鑼口宣

卿等奉將使信修講慶儀適休跋履之勞宜便寢興

之用諒承賜品當識眷懷

密賜大銀器口宣

卿等使範聿修邦盟胥洽爰輟中金之器俾將密賚之誠實出深懷固爲優遇

回程賜龍鳳茶口宣

卿等使事勤勞歸途修遠爰有建溪之品實推御府之奇特俾分頒卽宜祇受

賜三節人從冬至節絹口宣

一陽潛復萬彙交通興言行役之長當動歲華之感特均頒賚竝慰勤勞

賜使副冬至節絹口宣

節紀陽正氣回地管適履風霜之變諒懷衣褐之求爰選善縑俾將至意

賜步軍司滿散會慶節道場乳香口宣

卿等職專師旅義重君親適當載夙之辰共祝無疆之福特加錫予用助精虔

撫問金國賀正旦使人赴闕盱眙軍賜御筵口

宣

卿等竝馳使傳已越封疆爰敷溫厚之辭仍錫惠慈之燕宜祇眷意各釋賢勞

平江府賜御筵口宣

卿等來慶新正行經近府爰念使華之遠重懷征役之長式厚眷慈俾紆勤勩

鎮江府賜銀合茶藥口宣

卿等持禮正朝經途會府爰錫靈芽之貴仍頒上劑之良用輔至和庶昭殊遇

鎮江府賜御筵口宣

卿等已濟江流稍休賓館爰專馳於近侍俾就啟於初筵庶表眷懷用紓行役

赤岸賜御筵口宣

卿等載驅使傳密近行都宜少駐於賓郵俾即頒於燕席各承眷禮咸釋賢勞

赤岸賜酒果口宣

屬聞使節行次郊圻即候館以少留瞻行都而甫邇宜加恩賚式表眷懷

入賀畢歸驛賜御筵口宣

卿等入趨文陛修慶華正方歸憩於都郵俾即頒於燕具庸昭眷遇式慰勤勞

玉津園射弓賜例物口宣

使華暇日禁苑勝遊方觀中的之長宜有旌能之具

玉堂類稿 卷五 三  
特加頒賚式示寵嘉

玉津園賜射弓酒果口宣

卿等竝驅濡轡同樂芳園屬施弓矢之能爰往豆觴之品宜祇眷遇庶洽歡虞

玉津園賜御筵口宣

張弓挾矢既展命儀鼓瑟吸笙宜陳高會庶留燕樂各遂從容

賜居廣批答口宣

褒崇宗老敷錫恩章已具協於公言奚尙堅於謙守茲加申諭宜卽祇承

賜士輅再上表辭免不允仍斷來章批答口宣

宣

敦敘宗盟優崇族老爰餽釐而布惠乃直號以揚廷衆聽已孚謙辭何益

賜居廣再上表辭免不允仍斷來章批答口

宣

席慶皇家蜚華天路茲衍博臨之況乃優褒叙之恩命已維行理無可避

命已維行理無可避

宣



遠將邦禮甫越邊疆諒備罄於勤勞爰優加於慰撫  
仍開惠燕併示眷懷

鎮江府賜御筵口宣

揚舲江道弭節賓郵良多跋涉之勞式厚惠慈之禮  
聊紓行役庶表恩私

士輅特授少師加食邑賜告口宣

朕齋精飭躬廣大建祀既沛熙成之澤宜優愷敘之  
恩茂錫寵光益昭眷禮

居廣特授少傅加食邑賜告口宣

朕肇稱新禮宗祀明堂有衍欽柴之休無踰常棣之

爰茲頒顯命是出殊私

士輅上表再辭免除少師恩命不允批答口宣

修祠世室徹胙堂筵爰加厚於親盟乃優推於邦典  
茲惟至意奚可固辭

明堂大禮畢紫宸殿受賀內侍宣答管軍詞

祇率彝章肇修嘉饗資爾中權之彥馨茲周衛之勞  
神心願懷福貺昭答

紫宸殿受賀閣門官宣答樞密詞

稽古彌文觀時亨會咸來四海之助迄就九筵之儀  
實賴交修敢居能饗

寶曆紫宸殿受賀樞密宣答皇太子詞

祇荷洪庥肅嚴大報既告虔於清廟遂展祀於合宮  
四方具來諸福畢至

麗正門肆赦閣門官宣答皇太子詞

躬祠世室還御端門沛恩宥於中天廣福祥於下國

崔舍人玉堂類藁卷第十五

崔舍人玉堂類藁卷第十六

口宣 勅書附

金國賀正旦使人赴闕鎮江府賜茶藥口宣

使傳飛華江城經道興念川途之勤卽頒茗劑之良  
庸表眷私庶資和嗇

赤岸賜御筵口宣

將命修歡聯車遵道方少留於郊館當卽入於都門  
式厚眷懷就陳燕會

回程賜龍鳳茶并金鍍銀合口宣

涓辰遵道留館治行因頒異茗之良庶備歸裝之用

是爲嘉錫宜體深懷

使人到闕賜被褥鈔鑼等口宣

遠持使命初抵都郵豈無應用之須爰有分頒之寵  
宜承優賚式體隆懷

入賀畢歸驛賜酒果口宣

進朝宸陛退息賓郵第嘉實以分甘出上尊而致賜  
庶資燕喜用慰勤勞

入賀畢歸驛賜御筵口宣

遠將慶禮同預壽班既訖事於殿庭方歸休於館舍  
爰開惠燕庶洽恩私

玉津園賜射弓弓箭例物口宣

使華來聘暇日出遊聞射藝之有儀知賓歡之正洽  
爰加頒賚庶表眷懷

玉津園射弓賜御筵口宣

春陽方動使事少閒適彼禁園游於射藝爰啟惠慈  
之宴庶昭審固之能

朝辭訖歸驛賜御筵口宣

已畢邦儀遂辭宸陛嘉進趨之有度念陟降之良勞  
爰卽都郵俾陳燕會

金國使副賜春幡勝等口宣

寒回□陸春入東郊適尙駐於使旃俾卽頒於時物  
宜承嘉錫茂介繁祺

賜館伴使副春幡勝等口宣

氣旋蒼陸仗轉青旗適更時序之新重起賢勞之念  
爰推寵錫俾對熙辰

賜三節人從春幡勝口宣

和風入律青令乘規尙勤使事之留適閱物華之變  
竝推嘉錫庸慰遠懷

密賜大銀器口宣

使節聯華聘儀成禮分此中金之器出於內府之藏  
式厚恩膺庸昭眷遇

撫問賀金國正旦使副陳峴等到闕并賜銀合  
茶藥口宣

聯轡出疆弭旃還闕載念川塗之勩式頒茗劑之良  
仍諭溫言庶昭至意

御藥院申乞撰進呈

三祖下第六世仙源類譜

仁宗皇帝十年玉牒所有合用提舉官禮儀使  
已下宣答詞

慶系蕃昌聖謨宏遠爰輯成於大典茲竝告於成書

既遂覽觀卽嚴尊閣

進呈

仁宗皇帝十年玉牒

哲宗皇帝一朝玉牒宣答提舉官禮儀使已下  
詞

書備兩朝事光萬世寫之琬琰煥乎文章既具闕於  
奏篇當永嚴於尊閣

賜趙丞相不允批答口宣

寶牒告成皇猷增煥式厚褒嘉之典庸旌綜理之勤  
宜服溫言卽承休命

賜參知政事錢良臣不允斷來章批答口宣

書成寶牒事謹珍藏興言使範之勞加厚褒章之寵  
已孚成命宜止謙辭

賜右丞相趙雄不允仍斷來章批答口宣

典策告成臣民均慶乃眷提綱之績可稽詔賞之恩  
開諭已明謙辭毋至

賜賀金國生辰使副傅淇王公弼到闕撫問并  
賜銀合茶藥口宣

抗旌修聘濡轡還朝良多跋履之勤重有光華之遠  
爰推嘉錫仍致溫言

賜殿前司滿散天申聖節道場乳香口宣

職重典兵誠深愛上屬紀發祥之旦具修介壽之儀  
爰致名香庶資善祝

賜步軍司滿散天申聖節道場乳香口宣

總提勁旅典護嚴宸欣逢彌月之期深祝後天之算  
爰頒名馥庶助精誠

賜樞密院官滿散天申聖節道場乳香口宣

位高宥府時際誕辰輯仙梵之勝緣介壽昌之備福  
爰頒名馥俾達丹誠

賜樞密院官齋筵酒果口宣

赤符開運華渚標辰眷言西府之臣同効南山之祝  
爰推嘉錫往侑華筵

周必大上表再辭免除參知政事不允仍斷來  
章批答口宣

朕選求人望參翊政幾當成命之方行已僉言之維  
允亟恢賢業遂畧謙章

謝廓然上表再辭免除端明殿學士簽書樞密  
院事不允仍斷來章批答口宣

登用宏才參陪宥府已直縉紳之聽方須帷幄之謀  
宜止常謙卽承亨遇

賜陳俊卿告口宣

褒表民庸登崇孤位已布宣於明命咸允愜於輿情  
茲錫恩綸宜承眷禮

金國賀會慶節使人赴闕平江府賜御筵口  
宣

祇輯歡盟肅將慶問念載驅於周道知己屆於吳門  
爰錫華筵用昭優遇

盱眙軍賜御筵口宣

歡盟交聘虜使聯華聞甫越於邊疆諒少休於候館  
亟馳內侍卽啟初筵

赤岸賜御筵口宣

眷言使傳密邇都門諒多行邁之勤宜適燕胥之樂  
專馳近侍申諭深懷

赤岸賜酒果口宣

銜命鼎來涓辰入見已次邦郊之近重懷使傳之勞  
爰致甘滋俾留衍樂

上壽畢歸驛賜御筵口宣

展慶闕庭歸休館舍見修儀之有度嘉將命之無違  
式示惠慈用昭眷遇

賜皇子魏王生日詔

夏籥啟和允符令節天支衍慶誕育賢王爰推賜式之優往績壽齡之永

賜右丞相曾懷生日詔

朱衡御令式紀嘉辰喬嶽儲休是生碩輔往侑燕私之喜特將慶賜之儀

賜鄭藻生日詔

氣協薰茲慶鍾懿畹紀嘉祥於初度將厚意於多儀介爾壽祺昭予眷禮

賜皇叔祖少保昭化軍節度使判大宗正事嗣

濮王士勗生日詔

親賢竝茂爵齒兼崇屬當流火之辰適紀垂弧之日爰將蕃錫庶續遐齡

賜皇兄少保岳陽軍節度使充萬壽觀使永陽

郡王居廣生日詔

氣中商籥爰及嘉辰慶衍宗盟是生賢屬往助私庭之喜特推內府之儀

賜皇太子生日詔

茂德聰文純誠淵塞爰紀金行之序是鍾玉裕之資式厚賜儀載綏福履

賜昭慶軍節度使簽書樞密院事楊倓生日



詔

氣肅清商適兆祥於勳閣時生俊德方陪議於幾庭  
有臆子頒往綏爾福

賜簽書樞密院事李彥穎生日詔

寒籥司辰祥弧紀旦載育醇明之彥方陪宥密之廷  
爰致賜儀俾綏壽福

賜簽書樞密院事錢良臣生日詔

序協中冬時生賢佐往侑私庭之慶特推賜式之優  
俾介壽祺亦將眷禮

賜皇子魏王愷生日詔

席慶仙源憑暉霄極適清和之嘉序正誕育之良辰  
爰往賜儀俾綏壽祉

賜少保寧武軍節度使充醴泉觀使曾覲生日

詔

月協仲商天澄西灝眷我耆明之彥紀茲誕育之辰  
爰將寵頒俾侑燕喜

賜皇兄少保岳陽軍節度使充萬壽觀使永陽

郡王居廣生日詔

素商應律灝氣澄空維予宗屏之賢肇此門弧之旦  
爰推賜式俾介壽祺

賜皇太子生日詔

天祐熙朝時生元嗣茂育溫文之德永毗久大之基  
式厚賜儀俾綏壽福

賜少傅保寧軍節度使充醴泉觀使兼侍讀史

浩生日詔

初潛舊學當代元臣適商律之正清知誕期之載至  
爰將頒賚俾介壽康

賜保信軍節度使開府儀同三司充萬壽觀使

鄭藻生日詔

月旅炎方慶鍾戚晚爰有純明之彥是當誕育之辰

式厚分頒俾資燕喜

賜右丞相趙雄生日詔

天祐皇家時生碩輔式紀門弧之日方隆鼎鉉之功  
宜厚分頒俾資燕樂

賜參知政事周必大生日詔

金行澄爽玉管流商氣鍾河嶽之英時作邦家之輔  
爰推賜式俾介壽祺

賜皇叔祖少師昭化軍節度使充醴泉觀使嗣

濮王士勳生日詔

國重親賢時尊爵齒慶旋臨於穀旦喜倍集於宗盟

爰厚分頒俾綏壽豈

賜少保寧武軍節度使充醴泉觀使會覲生日

詔

玉管吹商金行變爽眷我初潛之舊紀茲載誕之辰  
爰有恩頒是昭禮遇

賜皇兄少傅岳陽軍節度使充萬壽觀使永陽

王居廣生日詔

德憑天緒望冠宗藩屬當執矩之秋適紀垂弧之日  
爰推賜式俾介壽祺

賜參知政事錢良臣生日詔

昂陸司辰陽正建統天佑明昌之運時生開亮之賢  
宜有恩頒俾綏壽祉

賜樞密使王淮生日詔

序當炎籥慶集高門爰加厚於眷懷俾優推於寵錫  
永綏壽祉茂輯勳庸

賜安南國王加恩制勅書

朕肅涓涼籥祇祀合宮方覃澤於敷天爰興懷於遠  
服參稽慶典優錫褒章答爾恭勤昭于眷禮宜堅侯  
度茂對邦祺

回賜安南國王李天祚進奉大禮綱勅書

朕祇循彝典丕歲明禋維時藩服之臣遠効貢□□  
實載嘉純節具閱多儀式厚寵光用頒慶賚

賜判寧國府皇子魏王愷金合夏藥勅書  
時當長夏氣及炎蒸眷懷賢士越處外服特厚匪頒  
之式往綏調御之宜

賜福建路安撫使史浩銀合夏藥勅書

位崇公輔寄重价藩適當炎燠之辰宜有綏調之助  
特盼良劑用表隆私

賜四川宣撫使鄭聞銀合夏藥勅書

暫輟政塗往釐蜀部爰念青天之道適當朱夏之辰

特厚寵頒用資珍啻

賜浙東安撫使錢端禮銀合夏藥勅書

圖政舊臣典藩崇望適茲憚暑嘉乃宣勞特頒上藥  
之良往助冲襟之輔

賜湖南路安撫使劉珙銀合夏藥勅書

夙預政幾久分戎翰屬炎蒸之在候念綏御之多勤  
爰厚匪頒庶資輔養

賜湖北安撫使沈夏銀合夏藥勅書

夏序向中暑威滋盛迺眷機廷之舊適宣藩闡之勞  
特厚分頒用資調衛

賜主管侍衛馬軍司公事趙樽銀合夏藥勅書

眷爾忠誠典吾親衛屬炎威之蒸勃亮戎務之勤勞式厚珍頒用扶吉履

賜御前諸軍都統制時俊吳挺王琪郭剛李川皇甫倜郭鈞王明御前諸軍副都統制魯安仁翟瓊王世雄岳建壽銀合夏藥勅書

夙懷偉略分總成師暑威方隆軍事良苦特致精嘉之劑庶資調嗇之宜

賜靖海軍官吏軍民僧道耆壽等示諭勅書

朕以楊倓瞻智造微宏材經遠久宣勞於外服旋登長於禁途典賦名曹具彰富國之績通班延閣稍遂奉祠之遊茲錫寵於齋壇亦增華於勳閣諒聞休命咸愜輿情

賜南平王李天祚淳熙二年曆日勅書

朕欽授人時裁成天道丕徧同文之地誕頒底日之書迺眷藩方夙恭侯度尙祇予賜庸惠爾民賜皇子判明州魏王愷金合臘藥勅書

分慶天潢承流甸服適屬風霜之勁卽頒湯劑之良庸示眷懷庶扶福履

賜浙東路安撫使錢端禮銀合臘藥勅書

政路耆臣帥藩崇望屬風霜之回薄諒夙夜之勤勞

爰有寵頒用資珍輔

賜湖南路安撫使劉琪銀合臘藥勅書

望重政塗寄隆邦翰言念凝嚴之序宜加調蓄之宜

爰有匪頒用昭眷遇

賜湖北路安撫使沈夏銀合臘藥勅書

夙參樞畫久布藩條興言綏御之勤適履凝嚴之節

爰推賜式用輔珍調

賜四川安撫制置使范成大銀合臘藥勅書

班華禁路倚重坤隅屬嚴籥之方寒宜冲襟之是嗇

特推頒賚庸示眷懷

賜主管侍衛馬軍司趙樽銀合臘藥勅書

夙提禁旅茂建帥權當寒序之凝嚴宜冲襟之輔適

特頒良劑庸表至懷

賜御前諸軍都統制吳挺時俊王琪郭剛李川

郭鈞皇甫侗王明御前諸軍副都統制魯安仁

王世雄岳建壽翟瓊銀合臘藥勅書

嚴護邊衝總提師眾適履祁寒之序永懷共武之勤  
特致分頒用資調衛

賜福建路安撫使陳俊卿銀合臘藥勅書

鼎輔元臣价藩崇望適履凝嚴之序深懷綏撫之勤  
爰有分頒庶資調啻

賜皇子判明州魏王愷金合臘藥勅書

望重親賢任隆蕃翰屬風霜之方厲諒夙夜之多勤  
式示恩頒用綏福履

賜侍衛馬軍行司武康軍節度使侍衛馬軍都  
指揮使吳拱御前諸軍都統制吳挺等御前諸  
軍副都統制韓寶等銀合臘藥勅書

總提戎旅展罄忠勞當氣序之嚴凝宜精神之輔養

爰頒藥劑式表眷懷

賜江南東路安撫使陳俊卿銀合臘藥勅書

留籥地崇帥藩望重當嚴凝之方厲諒綏撫之多勤  
爰有匪頒庶資冲啻

賜福建路安撫使沈夏江南西路安撫使楊倓  
銀合臘藥勅書

夙秉中樞薦分外寄當寒威之增勁諒藩事之宣勞  
宜有恩頒用資和衛

賜兩浙東路安撫使李彥穎銀合臘藥勅書

望高舊弼任重名藩適涉序於隆寒宜輔和於冲履

爰頒良劑式表深懷

賜成都潼川府夔州利州路安撫制置使胡元質銀合臘藥勅書

歲華向暮寒氣增嚴興言夕瑣之臣專任坤隅之寄爰推寵錫用助珍調

示諭保康軍官吏軍民僧道耆壽等勅書

天資純全地望融顯周旋法度之訓被服德義之經久於班聯嘉乃端靖已誕頒於英節俾遙鎮於名藩諒彼聽聞同於慰喜

賜皇子判明州魏王愷金合夏藥勅書

恩隆帝子任重侯藩屬當炎暑之辰宜輔沖和之履特頒良劑庶表深懷

賜侍衛馬軍行司侍衛馬軍都虞侯馬定遠御前諸軍都統制吳挺等御前諸軍副都統制韓寶等銀合夏藥勅書

炎籥載臨暑威方熾爰興懷於良將適留戍於要衝竝有分盼庶資調衛

賜江東路安撫使陳俊銀合夏藥勅書

鈞鼎元臣藩翰重寄屬炎蒸之在序諒綏撫之多勞爰有嘉盼用扶沖履



賜成都潼川府夔州利州路安撫制置使胡元  
質銀合夏藥勅書

禁路舊臣坤維重寄適炎蒸之在序諒綏撫之多勞  
爰致嘉頒用扶冲履

賜大理卿賈選等獎諭勅書

獄者人之司命也朕傷夫教化之尙淺使吾元元未  
盡知義抵冒殊扞陷於憲網嘗選明察之官忠信之  
士惟良折獄庶于無刑汝等習於律章傳以經術亟  
問亟蔽有要有倫今狴牢之內乃亡一夫之留茲非  
朕心之攸憚序旣達聽聞良深歎美

賜成都潼川府夔路利州路安撫制置使胡元  
質銀合夏藥勅書

帥闔寄隆坤維地遠當炎威之方盛諒王事之良勞  
爰有寵頒俾資珍嗇

賜江東路安撫使陳俊卿福建路安撫使梁克  
家銀合夏藥勅書

宰路舊臣价藩雅望適履炎蒸之序諒多綏御之勤  
爰致寵頒庶資調衛

觀侍衛馬軍行司侍衛馬軍都虞侯馬定遠御  
前諸軍都統制吳挺郭剛皇甫侗李□□田□

卿郭鈞王世雄御前諸軍副都統制口寶彭杲

李彥孚劉光祖郭杲銀合夏藥勅書

分提軍旅嚴護封疆適當炎暑之辰重起賢勞之念

爰加頒賚俾厚珍調

案驗合夏藥勅書

顯其東瀛安撫吏刺對陳誠懇詞安撫對樂京

奏旨審照軒資廷番

備圖書劉世琳世安當炎熱之天盤商王率之夏藥

資驗合夏藥勅書

崔舍人玉堂類彙卷第十六

